

Kui sis	so kapital om	100 R.,	sis om rent	3 R.	50 R.	hõbb.
„ „ „ „	„	90 „	„ „ „ „	3 „	15 „	„
„ „ „ „	„	80 „	„ „ „ „	2 „	80 „	„
„ „ „ „	„	70 „	„ „ „ „	2 „	45 „	„
„ „ „ „	„	60 „	„ „ „ „	2 „	10 „	„
„ „ „ „	„	50 „	„ „ „ „	1 „	75 „	„
„ „ „ „	„	40 „	„ „ „ „	1 „	40 „	„
„ „ „ „	„	30 „	„ „ „ „	1 „	5 „	„
„ „ „ „	„	20 „	„ „ „ „	— „	70 „	„
„ „ „ „	„	10 „	„ „ „ „	— „	35 „	„
„ „ „ „	„	5 „	„ „ „ „	— „	17½ „	„

Kes omma kapitali rendi päle sisse-aänap, sel antas üts trükkitu sisseandmise-täht tõise lissatähhega wasta. Sisseandmise-tähhe päle om kirjutetu, mil ajal nink paljus sa ollet rahha sissepandnu, nink kats numrit om ka tähhe were päle tähhendetu, kea juhhatawa, mes numri al sesamma kapital ramatohe om üllepantnu; lissatähhe pääl saaisap üllewan, paljo renti sa omma kapitali cest saat, nink mil ajal sa wõit tulla, omma renti wastawõtma. Neid kattesuggust tähte (sisseandmise-täht nink lissatäht) peat sa hoitma, nisamma kui rahha hoijetas. Kui sa neid kaotat, sis peat sa warsti Kredit-Kassa-Koggoduse ette tullesma nimmitama; sis kulutap Koggodus, et so tähhe omma kaonu, Zeituni läbbi kigile, kel waja teda, nink aänap tuunistust, et se, ke neid tähti peas löidma, neide cest middake ei sa. Kui sel wiisil ne kaonu tähhe omma õtse kui ärrahäetetu, sis antas sulle tõisi sisseandmise tähti lissatähhtiga, kea nisamma paljo cest käuwa, assemele.

Tullep nüüd aig, omma ajastaja renti wastawõtta, sis peat sa omme sisseandmise-tähhtega nink lissatähhtega ette-tullesma nink omme tähte numrid üllesnäütma. Kredit-Kassa-wannemba maswa sulle ni paljo renti wälja, kui so kapital om kandnu, nink leikawa lissatähhe mant tük otsast mahha, kos joosk-

wa ajastaja arw päle om kirjutetu, tuunistuses, et sa se ajastaja renti ollet sanu. Sel wiisil sa tullet egga ajastaja omma renti wastawõtma, nink kui sul ei olle wõimalik tulla, sis wõit sa ka tõist sata, ehk ka tõises ajastajas jätta. Kes mitto ajastaja wahhet jättap, saap, kui ta wimate tullep, ütte kõrraga ni mitma ajastaja renti kätte, kui masmata olli jänu.

Sa wõit ka omme sisseandmise-tähti lissatähhtega tõise kätte ärramüwwa ehk kinki; jaratse tähhe käuwa figin paigun rahha cest, nink kes ennege sarratse tähhega Kredit-Kassa mannu tullep renti wastawõtma, selle kätte massetas renti ärra.

Tähhat sa omma sissepantnu rahha ehk kapitali jälle taggosi-wõtta, sis om se ka keeldmata; ent sis sa peat Kredit-Kassa-Koggodusele sedda pool ajastag ette-kulutama nink omme sisseandmise-tähhte lissatähhtega taggosi-andma. Kulutamise päiwal antas sul üts tuunistusetäht wasta, kohhe om päle-kirjutetu, et sa omma kapitali taggosiwõtmise pärrast ollet kulutanu, nink mil ajal sa wõit tulla omma kapitali wasta wõtma. Kui sa se tuunistuse-tähhega digel ajal tullet, saat sa omma kapitali kätte.

Kel ei olle waja, egga ajastaja omma renti wäljawõtta, enge tahhap sedda renti ka sisse jätta, se om: kes omma kapitali tahhap rent-rendi päle anda, selle rent arwatas egga ajastaja kapitali mannu, nink se läbbi lät kapital egga ajastaja surembas. Kapital, mes rent-rendi päle pantas, kaänap ka 3½ prozenti, se om: ruubli päle kaswap egga ajastaja 3½ tenga mannu. Kui nüüd se läbbi, et egga ajastaja rent mannu-arwatas, kapital egga ajastaja surembas lät, sis sünnip, et se, ke omma kapitali, olgo ni suur ehk weikene kuis taht, 21 ajastaja jättap rent-rendi päle, nink tahhap sis omma kapitali rent-rendiga wäljawõtta, omma kapitali kätte.